

六禮亦匡書
六備急方

二仲
4
壹

第七冊

卷七

治爲熊虎爪牙所傷毒瘡方

治卒爲獬犬所咬毒方

治卒毒及狐溺棘所毒痛方

治卒青蛙蝮虺衆蛇所螫方

治蛇瘡敗蛇骨刺人入口繞身諸方

治卒入山草禁辟衆蛇藥術方

治卒蜈蚣蜘蛛所螫方

治卒蠱螫方

治卒蜂所螫方

治卒蠟所螫方

治中蠱毒方

治卒中溪毒方

治卒中射工水弩毒方

治卒中沙虱毒方

治卒服藥過劑煩悶方

治卒中諸藥毒救解方

治食中諸毒方

治防避飲食諸毒方

治卒飲酒大醉諸病方

葛仙翁肘後備急方卷之七

陸七

瘦樵程永培校

治爲熊虎爪牙所傷毒痛方第五十三

葛氏方燒青布以燻瘡口毒卽出仍煮葛根令濃
以洗瘡搗乾葛根末以煮葛根汁服方寸七日
五夜一則佳

又方嚼粟塗之姚同

又煮生鐵令有味以洗瘡上姚同

凡猛獸毒蟲皆受人禁氣將入山草宜先禁之其

經術云

到山下先閉氣三十五息存神仙將虎來到吾
前乃存吾肺中有白帝出把虎兩目塞吾下部
又乃吐肺氣白通冠一山林之上於是良久又
閉氣三十五息兩手捻都監目作三步步皆以
右足在前乃止祝曰李耳李耳圖汝非李耳耶
汝盜黃帝之犬黃帝教我問汝汝答之云何畢

便行一山之虎不可得見若逢之者目向立大
張左手五指側之極勢跳乎上下三度於跳中
大喚咄虎北斗君汝去虎卽走止宿亦先四向
如此又燒牛羊角虎亦不敢近人又搗雄黃紫
石縫囊貯而帶之

附方

梅師方治虎傷人瘡

但飲酒常令大醉當吐毛出

治卒有獠犬凡所咬毒方第五十四

療獠犬咬人方

先啣却惡血灸瘡中十壯明日以去目灸一壯
滿百乃止姚云忌酒

又云地榆根末服方寸匕日一二亦末傅瘡上生
根搗傅佳

又方刮虎牙若虎骨服一匕已發如獠犬者服此
藥卽差姚同

又方仍殺所咬犬取腦傅之後不復發

又方搗薤汁傅之又飲一升日三瘡乃差

又方末礬石內瘡中裹之止瘡不壞速愈神妙

又方頭髮蝟皮燒末水和飲一杯若或已目赤口

噤者折齒下之姚云二物等分

又方搗地黃汁飲之并以塗瘡過百度止

又方末乾薑常服并以內瘡中

凡狗犬咬人七日一發過三七日不發則脫也要

過百日乃爲大免

每到七日輒當飲薤汁三二升又當終身禁食
犬肉蠶蛹食此發則不可救矣瘡未差之間亦
忌生物諸肥膩及冷但於餅下蒸魚及就膩氣
中食便發不宜飲酒能過一年乃佳

若重發療方

生食蟾蜍鱸絕良驗姚同亦可燒炙食之不必
令其人知初得嚙便爲之則後不發姚剝作鱸

吞蒜齏下

又方搗薑根汁飲之卽差

又方服蔓菁汁亦佳

又凡犬咬人

取竈中熱灰以粉瘡傅之姚同

又方火炙蠟以灌瘡中姚同

又方以頭垢少少內瘡中以熱牛屎塗之佳姚同

又方按蓼以傅瘡上

又方乾薑末服二匕薑汁服半升亦良

又方但依獬犬法彌佳燒蟾蜍及末礬石傅之尤佳

得犬齧者難療凡犬食馬肉生狂方

及尋常忽鼻頭燥眼赤不食避人藏身皆欲發狂便宜枸杞汁煮糜飼之卽不狂若不肯食糜以鹽伺鼻便忽塗其鼻旣舐之則飲食矣神驗

附方

梅師方治狂狗咬人

取桃白皮一握水三升煎取一升服

食療治犬傷人

杵生杏仁封之差

治卒毒及狐溺棘所毒方第五十五

馬臂人作瘡有毒種熱疼痛方

刺鷄冠血灑著瘡中三下若駿馬用雌鷄草馬

用雄鷄姚同

又方灸瘡及腫上差

若瘡久不差者

馬鞭稍長二寸鼠矢二七枚燒末膏和傅之效

又方以婦人月經傅上最良姚云神效

人體上先有瘡而乘馬馬汗若馬毛入瘡中或但

爲馬氣所蒸皆致腫痛煩熱入腹則殺人

燒馬鞭皮末以膏和傅上

又方多飲淳酒取醉卽愈

又剝死馬馬骨傷人手毒攻欲死方平煎

便取死馬腹中屎塗之即差姚同地命之平不

又方以手內女人陰中即愈有胎者不可令胎墮

狐尿棘刺刺入腫痛欲死方昔神醫劉才至劉

被雞搗之即差金代其書云余始五歲時年

又方以熱桑灰汁漬冷復易取愈聖立

小品方以熱蠟著瘡中又烟燻之令汁出即便愈

此狐所尿之木猶如蛇蛻也此下有魚骨傷人

附方

圖經去治惡刺及狐尿刺

搗取溝公草根莖白汁塗之惟多塗立差止此

方出孫思邈千金方其序云余以正觀五年七

月十五日夜以左手中指背觸著庭水至曉遂

患痛不可忍經十日痛日深瘡日高大色如熟

小豆色嘗聞長者之論有此方遂依治之手下

則愈痛亦除瘡亦即差未十日而平復楊炎南

行方亦著其效云

效方治狐尿刺螫痛

杏人細研煮一兩沸承熱以浸螫處數數易之

外臺祕要治剝馬被骨刺破中毒欲死

取剝馬腹中糞及馬尿洗以糞傳之大驗絞糞

汁飲之效

聖惠方治馬咬人毒入心

馬齒莧湯食之差

靈苑方治馬汗入瘡腫痛漸甚宜急療之遲則毒

深難理

以生烏頭末傅瘡口良久有黃水出立愈

王氏博濟治驅涎馬汗毒所傷神效

白礬飛過黃丹炒令紫色各等分相袞合調貼

患處

治卒青蛙蝮虺衆蛇所螫方第五十六

葛氏竹中青蜂螫人方

雄黃麝香乾薑分等搗篩以麝茵和之著小竹管帶之行急使用傅瘡兼衆蛇虺毒之神良又方破烏雞熱傅之

蛇綠色喜緣樹及竹上大者不過四五尺皆呼爲青條蛇人中立死

葛氏毒蛇螫人方

急掘作坑以埋瘡處堅築其上毒卽入土中須臾痛緩乃出

徐王治蛇毒方

用搗地榆根絞取汁飲兼以漬瘡

又方搗小蒜飲汁以滓傅瘡上

又方猪耳垢著瘡中牛耳中垢亦可用之良

又方嚼鹽唾上訖灸三壯復嚼鹽唾之瘡上

又方搗薤傅之

又方燒蜈蚣末以傅瘡上

又方先以無節竹筒著瘡上鎔蠟及蜜等分灌筒

中無蜜單蠟亦通

又方急且尿瘡中乃拔向日閉氣三步以刀掘地
作小坎以熱湯沃坎中壅作丸如梧子大服之
并以少泥泥之瘡上佳

又方桂心苦蕒分等爲末用小竹筒密塞之以帶
行牽爲蝮蛇卽傅之此藥療諸蛇毒塞不密則
氣歇不中用

一切蛇毒

急灸瘡三五壯則衆毒不能行

蛇毒

搗鬼針草傅上卽定

又方荊葉袋貯薄瘡腫上

又方以麝茵塗腫上血出乃差

又方以合口椒并葉搗傅之無不止

又方切葉刀燒赤烙之

附方

梅師方治蛇虺螫人

以獨頭蒜酸草搗絞傅所咬處

廣利方治蛇咬方

取黑豆葉剉杵傅之日三易良

廣濟方治毒蛇嚙方

菰蔣草根灰取以封之其草似鷺尾也

兵部手集主蛇蠍蜘蛛毒

雞卵輕敲一小孔合咬處立差

劉禹錫傳信方治蚰咬蝎螫

燒刀子頭令赤以白礬置刀上看成汁便熱滴
咬處立差此極神驗得力者數十人貞元三十
二年有兩僧流向南到鄧州俱爲蚰嚙令用此
法救之傳藥了便發更無他苦

治蚰瘡敗蚰骨刺人入口繞身諸方第五

十七

葛氏凡蚰瘡未愈禁熱食食便發療之依初螫人

法

蛇螫人九竅皆血出方

取蚩蟲初食牛馬血腹滿者二七枚燒服之

此上蛇瘡敗及洪腫法方蛇螫人牙折入肉中痛不可堪方

取蝦蟇肝以傅上立出

又方先密取苕葉當其上穿勿令人見以再覆瘡口上一時著葉當上穿穿卽折牙出也

蛇骨刺人毒痛方

以鐵精如大豆者以管吹瘡內姚同

又方燒死鼠搗傅之瘡上

蛇螫人瘡已合而餘毒在肉中淫淫痛痒方

取大小蒜各一升合搗熱湯淋取汁灌瘡中姚

同

蛇卒繞人不解方

以熱湯淋卽解亦可令就尿之

蛇入人口中不出方

艾炙蛇尾卽出若無火以刀周匝割蛇尾截令皮斷乃將皮倒脫卽出小品同之

七八月中諸蛇毒旺不得洩皆齧草木卽枯死名爲蛇軈此物傷人甚於蛇螫卽依蛇之螫法療之

附方

廣利方治蛇咬瘡

煖酒淋洗瘡上日三易

聖惠方治蛇入口并入七孔中

割母猪尾頭瀝血滴口中卽出

治卒入山草禁辟衆蛇藥術方第五十八

辟衆蛇方

同前姚氏仙人入山草法

辟蛇之藥雖多唯以武都雄黃爲上帶一塊石稱
五兩於肘間則諸蛇毒莫敢犯

他人中者便磨以療之又帶五蛄黃丸良丸行
蜈蚣故方在於備急中此下有禁法云不受而
行則無驗

中虵毒勿渡水渡水則痛甚於初螫

亦當先存想作大蜈蚣前已隨後渡若乘船渡
不作法殺人

入山並不得呼作虵皆喚爲虵中之者彌宜勿誤

辟虵法

到處燒殺羊角令有煙出地則去矣

附方

廣利方治諸蛇毒螫人欲死兼辟蛇

乾薑雄黃等分同研用小絹袋貯繫臂上男左女右地閩藥氣逆避人螫毒傳之

治卒蜈蚣蜘蛛所螫方第五十九

葛氏方割鷄冠血塗之

又方以鹽緘瘡上卽愈云蜈蚣去遠者卽不復得

又方鹽熱漬之

又方嚼大蒜若小蒜或桑樹白汁塗之亦以麻履底土揩之良

蜈蚣甚齧人其毒殊輕於蜂當時小痛而易歇
蜘蛛毒亦療

生鐵衣醋研取濃汁塗之又烏麻油和胡粉傅上乾復易取差取羊桃葉傅之立愈

附方 蚯蚓蟻蝮蠶咬蠅
尿及惡蟲咬人附

梅師方治蜈蚣咬人痛不止

獨頭蒜摩螫處痛止

又經驗後方燒鷄屎酒和傅之佳又取鷄屎和醋
傅之

聖惠方治蜈蚣咬方

用蝸牛擦取汁滴入咬處

兵部手集治蜘蛛咬遍身成瘡

取上好春酒飲醉使人翻不得一向臥恐酒毒

腐人須臾蟲於肉中小如米自出

又譚氏小兒方以葱一枝去尖頭作孔將蚯蚓入
葱葉中緊捏兩頭勿洩氣頻搖動卽化爲水點
咬處差

劉禹錫傳信方治蟲牙傷咬

取大藍汁一椀入雄黃麝香二物隨意看多少
細研投藍中以點咬處若是毒者卽并細服其
并神異之極也昔張負外在劔南爲張延賞判

官忽被斑蜘蛛咬項上一宿咬有二道赤色細
如管繞項上從智前下至心經兩宿頭面腫疼
如豎升益大肚漸腫幾至不救張相素重薦因
出家資五百千并薦家財又數百千募能療者
忽一人應召云可治張相初甚不信欲驗其方
遂令目前合藥其人云不惜方當療人性命耳
遂取大藍汁一甕益取蜘蛛投之藍汁良久方
出得汁中甚困不能動又別搗藍汁加麝香末

更取蜘蛛投之至汁而死又更取藍汁麝香復
加雄黃和之更取一蜘蛛投汁中隨化爲水張
相及諸人甚異之遂令點於咬處兩日內悉平
愈但咬處作小瘡痂落如舊

經驗方治蜘蛛咬遍身生絲

羊乳一升飲之貞元十年崔貞朴從質云日擊
有人被蜘蛛咬腹大如孕婦其家弃之乞食於
道有僧過之教飲羊乳未幾日而平

又古語蚯蚓咬

蠟作鹽湯浸身數徧差浙西軍將張韶爲此蟲所咬其形大如風眉鬚皆落每夕蚯蚓鳴於體有僧教以此方愈

又方治蚯蚓蟲咬其形如大風眉鬚皆落

以石灰水浸身亦良

聖惠方主蚰蟥咬人方

以鷄屎傅之

又方治蠖蛄咬人

用石灰醋和塗之

廣利方治蠶咬人

麝香細研蜜調塗之差

千金方治蠖蝮尿瘡

棟樹枝皮燒灰和猪膏傅之

又方杵豉傅之

又方以酢和粉傅之

又方治蠅蝮蟲尿人影

著處便令人體病瘡其狀如粟粒累累一粟慘
痛身中忽有處燥痛如芒刺亦如刺蟲所螫後
細瘡癩作叢如茱萸子狀也四畔赤中央有白
膿如黍粟亦令人皮急舉身惡寒此熱極者連
起竟腰脇胷也治之法初得磨犀角塗之止

博物志治蠅蝮蟲溺人影亦隨所著作瘡

以雞腸草汁傅之良

外臺秘要治蠅蝮尿瘡繞身匝卽死

以鷲巢中土猪脂苦酒和傅之

又方治蠅蝮尿瘡

燒鹿角末以苦酒調塗之

錢相公方療蠅蝮尿瘡黃水出

嚼梨葉傅之乾卽易

勝金方治蠅蝮尿人成瘡初如糝菜漸大如豆更

大如火烙漿胞疼痛至甚宜速用草茶并臘茶

備急方 卷之七
俱可以生油調傅上其痛藥至立立妙

聖惠方治惡蟲咬人

用紫草油塗之

又方以酥和鹽傅之

治卒蕙螫方第六十

以玉壺丸及五蛄丸塗其上並得

其方在備急丸散方中

又方取屋霤下土水和傅之

治卒蜂所螫方第六十一

蜂螫人

取人尿洗之

又方穀樹桑樹白汁塗之並作

又方刮齒垢塗之又破蜘蛛又煮蜂房塗之燒牛

角灰苦酒和塗之又斷葫措之又嚼青蒿傅之

附方

千金方治蜂螫人

用露蜂房末猪膏和傅之楊氏產乳蜂房煎湯

洗亦得

又外臺秘要採薄荷貼之差

又聖惠方以酥傅之愈

沈存中筆談云處士劉湯隱居王屋山嘗於齋中

見一大蜂竄為蛛網絲縛之為蜂所螫墜地俄

頃蛛鼓腹欲裂徐徐行入草嚙芋梗微破以瘡

就嚙處磨之良久腹漸消輕躁如故自後人有

為蜂螫者按芋梗傅之則愈

治卒蝎所螫方第六十二

蝎螫人

温湯漬之

又方按馬莧大蒜又嚼乾薑塗之能滅方以冷水
漬螫處即不痛水微煖便癒即轉水又以冷漬
故布搗之數易

新效方蜀葵花石榴花艾心分等重五月五日午

時取陰乾合搗和水塗之螫處立定二花未定
又鬼針草按汁傅之立差又黃丹醋塗之又生
烏頭末唾傅之嚼乾薑塗之又麝香封之溫酒
漬之即愈

附方

孫真人食忌主蠍螫

以礬石一兩醋半升煎之投礬末於醋中浸螫
處

又勝金方烏頭末少許頭醋調傅之

又錢相公篋中方取半夏以水研塗之立止

又食醫心鏡以醋磨附子傅之

又經驗方以驢耳垢傅之差崔給事傅

廣利方治蠍螫人痛不止方

楮樹白汁塗之立差

治中蠱毒方第六十三

葛氏方療蠱毒下血方

殺羊皮方三寸得照鼓亦好藁荷葉苦參黃連
當歸各二兩水七升煮二升分三服一方加犀
角升麻各三兩無藁荷葉用茜根四兩代之佳
人有養畜蠱以病人共誅法

中蠱令人心腹切痛如有物嚙或吐下血不與
療之食人五藏則死矣欲知蠱與非蠱當令病
人唾水中沉者是浮者非小品姚並同

欲知蠱毒主姓名方

取波皮少少燒末飲病人病人須臾自當呼蠱
又主姓名可語便去則便愈亦見蛇蟻合作蠱毒
著飲食中使人得痲病此一種積年乃死療之
又各自有藥又蘘荷葉密著病人臥席下其病人
曰自呼蠱主姓名也

療中蠱毒吐血或下血皆如爛肝方

茜草根蘘荷根各三兩咬咀以水四升煮取一
升去滓適寒溫頓服卽愈又自當呼蠱主姓名

茜草卽染絳草也小品并姚方同也

又方巴豆一枚去心皮熬豉三粒釜底墨方寸匕

合搗爲三丸一丸當下毒不可者更服一丸卽

下自利

又方鹽一升淳苦酒和服立吐卽愈小品同支

方苦酒一升煮鹽和服愈

又方取蚯蚓十四枚以苦酒三升漬之蚓死但服

其汁已死者皆可

又方苦瓠一枚水二升煮取一升服立即吐愈小

品同支方用苦酒一升煮令消服神驗

又方阜茨三挺炙去皮子酒五升漬一宿去滓分

三服小品同

療飲中蠱毒令人腹內堅痛面目青黃淋露骨立

病變無常方取鐵精搗之細篩又別搗烏雞肝

以和之丸如梧子大服三九甚者不過十日微

者即愈別有鐵精方

又方猪肝一具蜜一升共煎之令熟分爲二十服
秘方小品同支方分作丸亦得

又方取棗木心剉得一斛著釜中淹之令止有三
寸水煮取二斗澄取清微火煎得五升宿勿食
且服五合則吐蠱毒出小品桃同之

又方雄黃丹砂藜蘆各一兩搗末且以井華水服
一刃圭當下吐蠱蟲出

又方隱苾草汁飲一升此草桔梗苗人皆食之

治蠱已食下部肚盡腸穿者

取長股蝦蟇青背一枚鷄骨支方一分燒爲灰
合內下部令深入小品同支方屢用大發丸方
亦同

又方以猪膽瀝內下部中以綿深導內塞之

又方五蠱黃丸最爲療蠱之要其方在備急條中
復有自然飛蠱狀如鬼氣者難

此諸種得真犀麝香雄黃爲良藥人帶此於身

亦預防之

姚氏療中蠱下血如鷄肝出石餘四藏悉壞唯心
未毀或鼻破

待死方

末桔梗酒服一七日一二葛氏方也

支太醫有十數傳用方

取馬兜零根搗末水服方寸匕隨吐則出極神
驗此物苗似葛蔓緣柴生子似橘子

凡畏已中蠱欲服甘草汁

宜生煮服之當吐疾出若平生預服防蠱毒者
宜熟炙煮服卽內消不令吐神驗

又方甘草炙每含咽汁若因食中蠱反毒卽自吐
出極良常含咽之永不慮藥及蠱毒也

又有解百毒散在後藥毒條中亦療方

桑白汁一合服之須臾吐利蠱出

席辯刺史傳效二方云並試用神驗

斑貓蟲四枚去足翅炙桃皮五月初五採取去
黑皮陰乾大戟凡三物並搗別篩取斑貓一分
桃皮大戟各二分合和棗核大以米清飲服之
訖吐出蟲一服不差十日更一服差此蠱洪州
最多老媪解療一人得蠱二十疋祕方不可傳
其子孫犯法黃花公若于則爲都督因以得之
流傳老媪不復得縑席云已差十餘人也

又方殺羊皮方寸匕藁荷根四兩苦參黃連各二

兩當歸犀角升麻各三兩七物以水九升煮取
三升分三服蠱卽出席云曾與一人服應時吐
蜂兒數升卽差此是姚大夫方

附方

千金翼方療蠱毒

以柵木北陰白皮一大握長五寸以水三升煮
取一升空腹分服卽吐蠱出也

又治蠱毒下血

蝟皮燒末水服方寸匕當吐蠱毒

外臺祕要救急治蠱

白鴿毛糞燒灰飲和服之

參茸乳療中蠱毒

生草瑱以水磨如濃飲服一盞自解

聖惠方治小兒中蠱下血欲死

搗青藍汁頻頻服半合

治卒中溪毒方第六十四

姚氏中水毒祕方

取水萍曝乾以酒服方寸匕差止又云中水病
手足指冷卽是若暖非也其冷或一寸極或竟
指未過肘膝一寸淺至於肘膝爲劇

葛氏水毒中人一名中溪一名中灑

東人呼爲一
蘇駭切

名水病似射工而無物其詠法

初得之惡寒頭微痛目注疼心中煩懊四肢振
漸骨節皆強筋急但欲睡旦醒暮劇手逆冷三

於然室

日則復生蟲食下瘡不痛不痒不冷人覺視之
乃知不卽療過六七日下部膿潰蟲食五藏熱
極煩毒注下不禁八九日良醫不能療覺得急
當深視下部若有瘡正赤如截肉者爲陽毒最
急若瘡如蠶魚齒者爲陰毒猶小緩要皆煞人
不過二十日欲知是中水毒當作數升湯以小
蒜五寸咬咀投湯中莫令大熱熱卽無力振去
滓適寒溫以浴若身體發赤斑文者又無異證

當以他病療之也

病中水毒方

取梅若桃葉搗絞汁三升許以少水解爲飲之
姚云小兒不能飲以汁傅乳頭與之

又方常思草搗絞飲汁一二升并以綿染寸中以
導下部日三過卽差

又方搗藍青汁以少水和塗之頭面身體令匝

又方取梨葉一把熟搗以酒一杯和絞服之不過

又方取地菴草根搗作末服之并以導下部亦可
飲汁一二升夏日常行欲入水浴先以少末投
水中流更無所畏又辟射工家中雖以器貯水
浴亦宜少末投水中大佳

今東閩諸山縣無不病溪毒春月皆得亦如傷寒
呼爲溪溫未必是射工輩亦盡患瘡痢但寒熱
煩疼不解便致死耳方家用藥與傷寒溫疾相

似令施其單法

五加根燒末酒若漿水飲之荆葉汁佳千金不

傳祕之

又方密取蓼搗汁飲一二合又以塗身令周匝

取牛膝莖一把水酒共一杯漬絞取汁飲之日

三雄牛膝莖紫色者是也

若下部生瘡已決洞者

秫米一升鹽五升水一石煮作糜坐中卽差

又方桃皮葉熟搗水漬令濃去滓著盆中坐漬之
有蟲出

又方阜莢燒末綿裹導之亦佳又服牡丹方寸匕
日三服

又方治卒中射工水弩毒方第六十五

江南有射工毒蟲一名短狐一名蛟常在山水
中人行及水浴此蟲口中橫骨角弩啣以射人
形影則病其誦法

初得或如傷寒或似中惡或口不能語或惡寒
熱四肢拘急且可暮劇困者三日齒間血出不
療卽死其中人有四種初覺則徧身體視之其
一種正黑如墨子而繞四邊以犯之如刺
狀其一種作瘡瘡久卽穿陷一種突起如石

其一種如火灼人肉燥起作瘡此種最急
並皆煞人居溪傍隰地天大雨或逐人行瘴
入人家而射人又當養鵝鴨亦可以食人行將

純白鵝以辟之白鴨亦善帶如生犀角佳也

若見身中有此四種瘡處便急療之

急則繞編去此瘡邊一寸輒灸一處百壯瘡亦

百壯則差

又方赤莧莖葉搗絞取汁飲之以淨傳之姚云服

七合日四五服

又方葫蒜令傅以搗瘡上灸蒜上千壯差

又方白鷄矢白者二枚以小錫和調以塗瘡上

又方鼠婦蟲豉各七合巴豆三枚去心合猪脂但
以此藥塗之

又方取水上浮走豉母蟲一枚置口中便差云此
蟲正黑如大豆浮水上相遊者

又方取阜茨一挺尺二者搥碎苦酒一升煎如膏
去滓傅之痛處差

又方馬齒莧搗飲汁一升滓傅瘡上日四五徧刷

良驗

又方升麻烏髮各二兩水三升煮取一升盡服之

澤傅瘡上不差更作姚同更加犀角二兩

云此蟲含沙射人影便病欲渡水先以石投之

又只邊角弩發矢言口之兩角能屈伸

再而竭
三而衰

冬月則齧

有一長角橫在口前弩弦臨其角端曲如上弩

以氣為矢用水勢以射人人中之便不能語餘

狀如葛氏所說

治卒中沙虱毒方第六十六

山水間多有沙虱甚細略不可見人入水浴及以水澡浴此蟲在水中著人身及陰天雨行草中亦著人便鑽入皮裏其診法

初得之皮上正赤如小豆黍米粟粒以手摩赤上痛如刺三日之後令百節強疼痛寒熱赤上發瘡此蟲漸入至骨則殺人自山澗浴畢當以布拭身數徧以故帛拭之一度乃傅粉之也

又療沙虱毒方

以大蒜十片著熱灰中溫之令熱斷蒜及熟

瘡上盡十片復以艾灸瘡上七壯則愈

又方斑猫五枚熬一枚末服之燒一枚令絕煙末
以傅瘡上卽差又以麝茵傅之佳

又方生麝香大蒜合擣以羊脂和著小筒子中帶
之行今東間水無不有此浴竟中拭燥燥如芒
毛針刺熟看見則以竹葉抄挑去之

此見嶺南人初有此者卽以茅葉細細刮去及
小傷皮則爲佳仍敷塗苦苣菜汁佳

已深者針挑取蟲子正如疥蟲著爪上映光方見
行動也若挑得便就上灸三四壯則蟲死病除

若覺猶昏昏見是其已太深便應俵土俗作方
術拂出乃用諸湯藥以浴皆一二升出都盡乃
止亦依此方并雜治中溪毒及射工法急救七
日中宜差不爾則仍有飛蟲在身中噉人心藏

備急方 卷之七
便死慎不可輕

治卒服藥過劑煩悶方第六十七

服藥過劑煩悶及中毒多煩悶欲死方

刮東壁土少少以水一二升和飲之良

又方於屋霑下作坎方二尺深三尺以水七升

坎中以物揚之令沫出取一升飲之未解更作

又方檮藍取汁服數升無藍只洗青絹取汁飲亦

得

服藥失度心中苦煩方

飲生葛根汁大良無生者乾葛爲末水服五合
亦可煮服之

又方吞鷄子黃數枚卽愈不差更作

服石藥過劑者

白鴨屎末和水調服之差

又方大黃三兩芒硝二兩生地黃汁五升煮取三
升分三服得下便愈

若卒服藥吐不止者

飲新汲水一升即止

若藥中有巴豆下痢不止方

未乾薑黃連服方寸匕差

又方煮豆汁一升服之差

附方

外臺祕要治服藥過劑及中毒煩悶欲死

燒犀角末水服方寸匕

治卒中諸藥毒救解方第六十八

治食野葛已死方

以物開口取鷄子三枚和以吞之須臾吐野葛
出

又方温猪脂一升飲之

又方取生鴨就口斷鴨頭以血瀝口中入咽則活
若口不可開者取大竹筒洞節以頭注其脇取
冷水竹筒中數易水須臾口開則可得下藥若

備急方 卷之十
人多者兩脇及臍中各與筒甚佳

又方多飲甘草汁佳

姚方中諸毒藥及野葛已死方

新小便和人尿絞取汁一升頓服入腹卽活解

諸毒無過此汁

中酖毒已死者

粉三合水三升和飲之口噤以竹管強開灌之

中射肉毒

藍汁大豆猪犬血並解之

中狼毒毒以藍汁解之

中狼葵毒以葵根汁解之

中藜蘆毒以雄黃葱汁並可解之

中躑躅毒以梔子汁解之

中巴豆毒

黃連小豆藿汁大豆汁並可解之

中雄黃毒以防已汁解之

中蜀椒毒中蜈蚣毒

二毒桑汁煮桑根汁並解之

中礬石毒以大豆汁解之

中芫花毒以防風甘草桂並解之

中半夏毒以生薑汁乾薑並解之

中附子烏頭毒大豆汁遠志汁並可解之

中杏仁毒以藍子汁解之

食金已死者取鷄屎半升水淋得一升飲之日三

服

又方吞水銀二兩卽裹金出少者一兩亦是姚云
一服一兩三度服之扶坐與之令入腹卽活
又方鴨血及鷄子亦解之

今取一種而兼解衆毒

取甘草咬咀濃煮多飲其汁并多食葱中涕並

佳

又方煮大豆令涕多飲其汁無大豆豉亦佳

又方藍青藍子亦通解諸毒常預畜之

又方煑薺芩令濃飲一二升祕方卒無可煑嚼食
之亦可作散服之此藥在諸藥中諸藥則皆驗
又方凡煑此藥汁解毒者不可熱飲之諸毒得熱
更甚宜使小冷爲良

席辯刺史云嶺南俚人毒皆因食得之多不卽覺
漸不能食或更心中漸脹并背急悶先寒似瘴

微覺卽急取一片白銀含之一宿銀變色卽是

藥毒也銀青是藍藥銀黃亦是菌藥久久者入
眼眼或青或黃赤青是藍藥黃赤是菌藥俚人
有解療者畏人得知在外預言三百牛藥或云
三百兩銀藥余久任以首領親狎知其藥常用
俚人不識本草乃妄言之其方並如後也
初得俚人毒藥且令定方

生薑四兩甘草三兩炙切以水六升煮取三升
日服三服服訖然後覓藥療之

療方

常山四兩切白鹽四錢以水一斗漬一宿以月
盡日漬月一日五更以土釜煮勿令奴婢鷄犬
見煮取二升旦分再服服了少時卽吐以銅器
貯取苔青色以杖舉五尺不斷者卽藥未盡二
日後更一劑席辯會飲酒得藥月餘始覺首領
梁墳將土常山與席呼爲一百頭牛藥服之卽
差差後二十日慎毒食唯有煮飯食之前後得

差凡九人

又方黃藤十兩嶺南皆有切以水一斗煮取二升
分三服服訖毒藥內消若防已俚人藥常服此
又藤縱得自然不發席云常服之利小便亦療數
人

又方都淋藤十兩嶺南皆有土人悉知俚人呼爲
三百兩銀其葉細長有三尺微藤生切以水一
斗和酒二升煮取三升分三服服訖毒藥並逐

備急方
卷之十
小便出十日慎毒食不差更服之即愈

又方乾藍實四兩白花藤四兩出鶴州者上不得
取野葛同生者切以水七升酒一升煮取半空
腹頓服之少悶勿恠單乾藍擣末頓服之亦差
又療腹內諸毒

都淋藤二兩長三寸並細剉酒三升合安罌中
密封以糠火燒四邊燒令三沸待冷出溫服常
令有酒色亦無所忌大効

若不獲已食俚人食者

先取甘草一寸炙之後熟嚼吞之若食著毒藥
卽吐便是得藥依前法療之席辯云常囊貯甘
草十片以自防

附方

勝金方治一切毒

以膽子礬爲末用糯米糊丸如鷄頭實大以朱
砂衣常以朱砂養之冷水化一丸服立差

備急方 卷之十
經驗方解藥毒上攻如聖散

露蜂房甘草等分用麩炒令黃色去麩爲末水
二碗煎至八分一碗令溫臨臥頓服明日取下
惡物

外臺祕要治諸藥石後或熱噤多向冷地臥又不
得食諸熱麩酒等方

五加皮二兩以水四升煮取二升半候石發之
時便服未定更服

孫思邈論云有人中烏頭巴豆毒

甘草入腹卽定方稱大豆解百藥毒嘗試之不效乃加甘草爲甘豆湯其效更速

梅師方蜀椒閉口者有毒誤食之使氣欲絕或下白沫身體冷急煎桂汁服之多飲冷水一二升忽食飲吐漿煎濃豉汁服之

聖惠方治硫黃忽發氣悶用羊血服一合效

又方治射罔在諸肉中有毒及漏肺毒

用貝子末水調半錢服效或食麩臙毒亦同用
初虞世方治藥毒祕效

巴豆去皮不出油馬牙硝等分合研成膏冷水
化一彈子許服差

治食中諸毒方第六十九

蜀椒閉口者有毒戟人咽氣便欲絕又令人吐白
沫

多飲桂汁若冷水一二升及多食大蒜卽便愈

葇若毒煎甘草汁擣藍汁飲並良

苦瓠毒煮黍穰令濃飲汁數升佳

食馬肝中毒

取牡鼠屎二七枚兩頭尖者是水和飲之未解者更作

食六畜鳥獸

幘頭垢一錢七小品云起死人又飲鼓汁數升

汁

慎不可飲熱殺人比見在中椒毒含蒜及薺芫
差

鈎吻葉與芥相似誤食之殺人方

薺芫八兩水六升煮取三升服五合日五服又
云此非鈎吻

食諸菜中毒發狂煩悶吐下欲死方

取鷄屎澆末服方寸匕不解更服又煮葛根飲
良

凡物肝臟自不可輕噉自死者瀰勿食之生食肝
中毒

搗附子末服一刃圭日三服
肉有箭毒以藍汁大豆解射肉毒

食鬱肉謂在密器中經宿者及漏脯茅屋汁露脯
爲漏脯此煎並有毒

燒人屎末酒服方寸匕

又方搗薤汁服二三升各連取以少水和之

食黍米中藏脯中毒方

此是鬱脯煮大豆一沸飲汁數升卽解兼解諸

肉漏毒

食自死六畜諸肉中毒方

黃蘗末服方寸匕未解者數服

六畜自死皆是遭疫有毒食之洞下亦致堅積並
宜以痢丸下之

食魚中毒

濃煮橘皮飲汁小品云冬瓜汁最驗

食豬肉遇冷不消必成蟲癥下之方

大黃朴硝各一兩芒硝亦佳煮取一升盡服之
若不消并皮研杏子湯三升和三服吐出神驗
食牛肉中毒煮甘草飲汁一二升

食馬肉洞下欲死者

豉二百粒杏子二十枚咬咀蒸之五升飯下熟
合搗之再朝服令盡

此牛馬皆謂病死者耳

食鱸魚肝及鯪魚中毒

劉蘆根煮汁飲一二升良

解毒濃煮香蘇飲汁一升

飲食不知是何毒

依前甘草薺茺通療此毒皆可以救之

食菹菜誤吞水蛭蝨噉臟血腸痛漸黃瘦者

飲牛羊熱血一二升許經一宿便煖猪胎一升

飲之便下蛭

食菌遇毒死方

絞人屎汁飲一升卽活服諸吐痢丸亦佳又掘地作土漿服二三升則良

誤食野芋欲死療同菌法

凡種芋三年不取亦成野芋卽殺人也

附方

梅師方治飲食中毒魚肉菜等

備急方 卷之七 五
苦參三兩以苦酒一升煎三五沸去滓服之吐
出卽愈或取煮犀角汁一升亦佳

又方治食狗肉不消心下堅或腹脹口乾發熱妄
語煮蘆根飲之

又方杏仁一升去皮水三升煎沸去滓取汁爲三
服下肉爲度

金匱方治食蟹中毒

紫蘇煮汁飲之三升以子汁飲之亦治凡蟹未

經霜多毒

又聖惠方以生藕汁或煮乾蒜汁或冬瓜汁並佳
又方治雉肉作臠食之吐下

用生犀角末方寸匕新汲水調下卽差

唐崔魏公云某夜暴亡有梁新聞之乃診之曰食
毒僕曰常好食竹雞多食半夏苗必是半夏毒
命生薑搗汁折齒而灌之活

金匱方春秋二時龍帶精入芹菜中人遇食之爲

病發時手青肚滿痛不可忍作蛟龍病服硬糖
三二升日二度吐出如斯場三二个便差

明皇雜錄云有黃門奉使交廣回周顧謂曰此人
腹中有蛟龍上驚問黃門曰卿有疾否曰臣馳
馬大庾嶺時當大熱困且渴遂飲水覺腹中堅
痞如杯周遂以硝石及雄黃煮服之立吐一物
長數寸大如指視之鱗甲具投之水中俄頃長
數尺復以苦酒沃之如故以器覆之明日已生

一龍矣上甚訝之

治防避飲食諸毒方第七十

雜鳥獸他物諸忌法

白羊不可雜雄雞 羊肝不可合烏梅及椒食

猪肉不可雜羊肝 牛腸不可合犬肉 雄

鷄肉不可合生葱菜 鷄鴨肉不可合蒜及李

子鱉肉等 生肝投地墮芥不著者不可食

暴脯不肯燥及火炙不動并見水而動並勿食

鳥獸自死口不開者不可食

水中魚物諸忌

魚頭有正白連諸脊上不可食 魚無腸膽及

頭無魷勿食 魚不合烏雞肉食 生魚日赤

不可作鱠 魚勿合小豆藿 青魚鮓不可合

生胡荽 鱉目凹者不可食 鱉肉不可合雞

鴨子及赤莧菜食之 妊娠者不可食鱸魚

雜果菜諸忌

李子不可合雞子及臨水食之 五月五日不

可食生菜 病人不可食生胡芥菜 妊娠勿

食桑椹并鴨子巴豆藿 羹半夏菖蒲羊肉細

辛桔梗忌茶 甘草忌菘菜 牡丹忌胡荽

常山忌葱 黃連桔梗忌豬肉 茯苓忌大醋

天門冬忌鯉魚

附方

食醫心鏡黃帝云食甜瓜竟食鹽成霍亂

孫真人食忌蒼耳合猪肉食害人又云九月勿食
被霜瓜食之令人成反胃病

治卒飲酒大醉諸病方第七十一

大醉恐腹腸爛

作湯於大器中以漬之冷復易

大醉不可安臥常令搖動轉側又當風席地及水
洗飲水最忌於交接也

飲醉頭痛方

刮生竹皮五兩水八升煮取五升去滓然後合
納雞子五枚攪調更煮再沸二三升服盡

飲後下痢不止

煮龍骨飲之亦可末服

連月飲酒喉咽爛舌上生瘡

擣大麻子一升末黃檗二兩以蜜爲丸服之

飲酒積熱遂發黃方

雞子七枚苦酒漬之封密器中納井底二宿當

備急方 卷之十
取各吞二枚枚漸盡愈

大醉酒連日煩毒不堪方

蔓青菜并少米熟煮去滓冷之便飲則良

又方生葛根汁一二升乾葛煮飲亦得

欲使難醉醉則不損人方

人 檮栢子仁麻子仁各二合一服之乃以飲酒多

二倍

又方葛花并小豆花子末爲散服三二七又時進

葛根飲枇杷葉飲并以糴者乾蒲麻子等皆使
飲而不病人胡麻亦熬酒先食鹽一七後則飲
酒亦倍

附方
外臺祕要治酒醉不醒

九月九日真菊花末飲服方寸匕

又方斷酒用驢駒衣燒灰酒服之

又方鷓鴣糞灰水服方寸匕

聖惠方治酒毒或醉昏悶煩渴要易醒方

又取柑皮二兩焙乾爲末以三錢匕水一中盞煎三五沸入鹽如茶法服妙

又方治酒醉不醒

用菘菜子二合細研并花水一盞調爲二服

千金方斷酒法

以酒七升著甌中朱砂半兩細研著酒中緊閉塞甌口安猪圈中任猪搖動經七日頓飲之


又方正月一日酒五升淋確頭杵下取飲

又方治酒病

豉葱白各半升水二升煮取一升頓服

葛仙翁肘後備急方卷之七

蘇州府志卷之十一



蘇州府志卷之十一

文式

文式

第八冊

卷八

治百病備急丸散膏諸要方

治牛馬六畜水穀疫癘諸病方

命平黑六洛水疑與海濱水

白百神散急此別有論要方

分入

藥八册

葛仙翁肘後備急方卷之八

瘦樵程永培校

治百病備急丸散膏諸要方第七十二

裴氏五毒神膏療中惡暴百病方

雄黃朱砂當歸椒各二兩烏頭一升以苦酒漬
一宿猪脂五斤東面陳蘆煎五上五下絞去滓
內雄黃朱砂末攪令相得畢諸卒百病温酒服
如棗核一枚不差更服得下卽除四肢有病可

摩癰腫諸病瘡皆摩傳之夜行及病冒霧露皆
以塗人身中佳

效方并療時行溫疫諸毒氣毒惡核金瘡等

蒼梧道士陳元膏療百病方

當歸天雄烏頭各三兩細辛芎藭朱砂各二兩
乾薑附子雄黃各二兩半桂心白芷各一兩松
脂八兩牛地黄二斤搗絞取汁十三物別搗雄
黃朱砂爲末餘咬咀以醞苦酒三升合地黄漬

藥一宿取豬脂八斤微火煎十五沸白芷黃爲
度絞去滓內雄黃朱砂末攪令稠和密器貯之
腹內病皆對火摩病上日兩三度從十日乃至
二十日取病出差止四肢肥肉風瘴亦可酒溫
服之如杏子大一枚

土心腹積聚四支痺躄舉體風殘百病效方華他
虎骨膏療百病

虎骨野葛各三兩附子十五枚重九兩椒三升

杏仁巴豆去心皮芎藭切各一升甘草細辛各
一兩雄黃二兩十物苦酒漬周時猪脂六斤微
煎三上三下完附子一枚視黃爲度絞去滓乃
內雄黃攪使稠和密器貯之百病皆摩傅上唯
不得入眼若服之可如棗大內一合熱酒中須
臾後拔白髮以博處卽生烏猪瘡毒風腫及馬
鞍瘡等洗卽差牛領亦然

莽草膏療諸賊風腫痺風入五藏恍惚方

一莽草一斤烏頭附子躑躅各三兩四物切以水
苦酒一升漬一宿豬脂四斤煎三上三下絞去
滓向火以手摩病上三百度應手卽差耳鼻病
可以綿裹塞之療諸疥癬雜瘡

隱居效驗方云并療手脚攣不得舉動及頭惡風
背脇卒痛等

蛇銜膏療癰腫金瘡瘀血產後血積耳目諸病牛
領馬鞍瘡

蛇銜大黃附子當歸芍藥細辛黃芩椒莽草獨
活各一兩薤白十四莖十一物苦酒淹漬一宿
猪脂三斤合煎於七星火上各沸絞去滓温酒
服如彈丸一枚日再病在外摩傅之耳以綿裹
塞之目病如黍米注眚中其色緗黃一名緗膏
人又用龍銜藤一兩合煎名爲龍銜膏

神黃膏療諸惡瘡百雜瘡方

黃連黃蘗附子雄黃水銀藜蘆各一兩胡粉二

二兩七物細篩以臘月豬脂一斤和藥調器中急
密塞口蒸五斗米下熟出內水銀又研令調密
藏之有諸瘡先以鹽湯洗乃傅上無不差者

隱居效驗方云此膏塗瘡一度卽瘥時人爲聖

青龍五生膏療天下雜瘡方

丹砂雄黃芎藭椒防己各五分龍膽梧桐皮柏
皮青竹茹桑白皮蜂房蝟皮各四兩蛇蛻皮一
具十三物切以苦酒浸半月微火煎少時乃內

臘月猪脂三斤煎三上三下去滓以傅瘡上併
服如棗核大神良

隱居效驗方云主癰疽痔惡瘡等

以前備急諸方故是要驗此來積用效者亦次於

後云

扁鵲陷冰丸療內脹病并蠱疰中惡等及蜂百毒

溪毒射工

雄黃真丹砂別研礬石熬各一兩將生礬石三

兩半燒之鬼臼一兩半蜈蚣一枚赤足者小炙
斑猫去翅足龍膽附子炮各七枚藜蘆七分炙
杏仁四十枚去尖皮熬搗篩蜜和搗千杵腹內
脹病中惡邪氣飛尸遊走皆服二丸如小豆若
積聚堅結服四丸取痢洩下蟲蛇五色若蟲注
病中惡邪飛尸遊走皆服二三丸以三丸摩痛
上若蛇蜂百病苦中溪毒射工其服者視強弱
大小及病輕重加減服之

丹參膏療傷寒時行賊風惡氣

在外卽支節麻痛喉咽痺寒入腹則心急脹滿
胃脇痞塞內則服之外則摩之并癱緩不隨風
濕痺不仁偏枯拘屈口喎耳聾齒痛頭風痺腫
腦中風動且痛若癰結核漏癩癰壑腫未潰傅
之取消及丹癰諸腫無頭欲狀骨疽者摩之令
消及惡結核走身中者風水遊腫亦摩之其服
者如棗核大小兒以意減之日五服數用之悉

效丹參蒟藿各三兩莽草葉躑躅花各一兩秦
膠獨活烏頭川椒連翹桑白皮牛膝各二兩十
二物以苦酒五升油麻七升煎令苦酒盡去滓
用如前法亦用猪脂同煎之若是風寒冷毒可
用酒服若毒熱病但單服牙齒痛單服之仍用
綿裹嚼之比常用猪脂煎藥有小兒耳後瘰子
其堅如骨已經數月不盡以帛塗膏貼之二十
日消盡神效無比此方出小品

神明白膏療百病中風惡氣頭面諸病青盲風爛
背鼻耳聾寒齒痛癰腫疽痔金瘡癰疥主之

當歸細辛各三兩吳茱萸芎藭蜀椒朮前胡白
芷各一兩附子三十枚九物切煎猪脂十斤炭
火煎一沸卽下三上三下白芷黃膏成去滓密
貯看病在內酒服如彈丸一枚日三在外皆摩
傅之目病如黍米內兩眇中以日向天風可扇
之瘡蟲齒亦得傅之耳內底着亦療之緩風冷

者宜用之

成膏

清麻油十三兩菜油亦得黃丹七兩二物鐵鐺
文火煎麤濕柳批篋攪不停至色黑加武火仍
以扇扇之攪不停烟斷絕盡看漸稠膏成煎須
淨處勿令雞犬見齒瘡帖痔瘡服之

藥子一物方

婆羅門胡名船踈樹子國人名藥療病唯須細

研勿令麤皆取其中人去皮用之

療諸疾病方

卒得吐瀉霍亂蠱毒臍下絞痛赤痢心腹脹滿
宿食不消蛇螫毒入腹被毒箭入腹並服二枚
取藥子中人暖水二合研碎服之疽瘡附骨疽
腫丁瘡癰腫此四病量瘡腫大小用藥子中人
煖水碎和猪膽封上疔腫冷遊腫癰瘡此五病
用醋研封上蛇螫惡毛蝎蜈蚣等螫沙虱射工

此六病用煖水研赤莧和封之婦人難產後腹
中絞痛及惡露不止痛中瘀血下此六病以一
枚一杯酒研溫服之帶下暴下此二病以粟汁
研溫服之齩蟲食齒細削內孔中立愈其擣末
篩着瘡上甚主肌肉此法出支家大醫本方
服鹽方療暴得熱病頭痛目眩并卒心腹痛及欲
霍亂痰飲宿食及氣滿喘息久下赤白及積聚吐
逆乏氣少力顏色痿黃瘡瘡諸風其服法

取上好鹽先以大豆許口中含勿咽須臾水當
滿口水近齒更用方寸匕抄鹽內口中與水一
時咽不爾或令消盡喉若久病長服者至二三
月每旦先服或吐卽安急卒病可服三方寸七
取卽吐痢不吐不痢更加服新患瘧服卽差心
腹痛及滿得吐下亦佳久病每上以心中熱爲
善三五日亦服佳加服取吐痢痢不損人久服
小痛奔豚腎氣五石無不差之病但恨人不服

不能久服此療治不一小品云卒心痛鬼氣宿
食不消霍亂氣滿中毒鹹作湯服一二升當便
吐之良

葛氏常備藥

大黃桂心甘草乾薑黃連椒朮吳茱萸熟艾雄
黃犀角麝香菖蒲人參芍藥附子巴豆半夏麻
黃柴胡杏仁葛根黃芩貝頭秦膠等此等藥並
應各少許

以前諸藥固以大要嶺南使用仍需者今復疏之
衆藥并成劑藥自常和合貯此當備最先於衣食
耳

常山十四兩蜀漆石膏一斤阿膠七兩牡蠣朱
砂大青各七兩鱉三枚鯪鯉甲一斤烏賊魚骨
馬蘭子一大升蜀升麻十四兩檳榔五十枚龍
骨赤石脂羚羊角三枚橘皮獨活其不注兩數
者各四兩用芒硝一升良

成劑藥

金牙散玉壺黃丸三物備急藥紫雪丹參朮草
膏玉黃丸度瘴散末散理中散痢藥丁腫藥其
有側注者隨得一種爲佳

老君神明白散

木附子炮各二兩烏頭炮桔梗二兩細辛一兩
搗篩且服五方寸匕若一家有藥則一里無病
帶行者所遇病氣皆削若他人得病者温酒服

一方寸七若已四五日者以散三七水三升煮

三沸服一升取汗即愈

云常用辟病散

真珠桂肉各一分貝母三分杏仁二分熬雞子

白熬令黃黑三分五物擣篩歲旦服方寸七若

歲中多病可月月朔望服

單行方

南向社中栢東向枝取曝乾末服方寸姚云疾

疫流行預備之名爲栢枝散服神良刪煩方云
且南行見社中栢卽便收取之

斷溫病令不相染方

熬豉新米酒漬常服之

小品正朝屠蘇酒法令人不病溫疫

大黃五分川椒五分朮桂各三分桔梗四分烏
頭一分拔楔二分七物細切以絹囊貯之十二
月晦日正中時懸置井中至泥正曉拜慶前出

之正旦取藥置酒中屠蘇飲之於東向藥置井
中能迎歲可世無比病此華他法武帝有方驗
中從小至大少隨所堪一人飲一家無患飲藥

小三朝

一方有防風一兩如之

姚大夫辟温病粉身方

芎藭白芷膏本三物等分下篩內粉中以塗粉
於身大良

附方

張仲景三物備急方司空裴秀爲散用療心腹諸疾卒暴百病

用大黃乾薑巴豆各一兩須精新好者搗篩蜜和更搗一千杵丸如小豆服三丸老少斟酌之爲散不及丸也若中惡客忤心腹脹滿卒痛如錐刀刺痛氣急口噤停尸卒死者以煖水苦酒服之若不下捧頭起灌令下喉須臾差未知更

與三丸腹當鳴轉卽吐下便愈若口已噤亦須
折齒灌之藥入喉卽瘥

崔氏海上方云威靈仙去衆風通十二經脈此藥
朝服暮效踈宣五臟冷膿宿水變病微利不瀉
人服此四肢輕健手足溫煖並得清涼時商州
有人患重足不履地經十年不瘥忽遇新羅僧
見云此疾有藥可理遂入山求之遣服數日平
復後留此藥名而去此藥治丈夫婦人中風不

語手足不隨口眼喎斜筋骨節風胎風頭風暗
風心風風狂人傷寒頭痛鼻涕服經二度傷
寒卽止頭旋目眩白癡風極治大風皮膚風痒
大毒熱毒風瘡深治勞疾連腰骨節風遶腕風
言語澁滯痰積宣通五臟腹內宿滯心頭痰水
膀胱宿膿口中涎水好喫茶漬手足頑痺冷熱
氣壅腰膝疼痛久立不得浮氣瘴氣憎寒壯熱
頭痛尤甚攻耳成膿而聾又衝眼赤大小腸秘

傳急方
卷之八
三

服此立通飲食卽住黃疸黑疸面無顏色癩癧
遍項產後秘瀉暨腰痛曾經損墜心痛注氣膈
氣冷氣攻衝腎臟風壅腹肚脹滿頭面浮腫注
毒脾肺氣痰熱欬氣急坐臥不安疥癬等瘡
婦人月水不來動經多日血氣衝心陰汗盜汗
鷓臭穢甚氣息不堪勤服威靈仙更用熱湯盡
日頻洗朝塗若唾若治鷓臭藥白塗身上內外
塗之當得平愈孩子無辜令母含藥灌之痔疾

秘澁氣痢絞結並皆治之威靈仙一味洗焙爲末以好酒和令微濕入在竹筒內牢塞口九蒸九曝如乾添酒重酒之以白蜜和爲丸如桐子大每服二十至三十丸湯酒下

千金方當以五月五日午時附地刈取葇耳葉

洗曝燥搗下篩酒若漿水服方寸七日三夜三散若吐逆可蜜和爲丸準計一方七數也風輕易治者日再服若身體有風處皆作粟肌出或

如麻豆粒此爲風毒出也可以針刺潰去之皆
黃汁出乃止五月五日多取陰乾著大瓮中稍
取用之此草辟惡若欲省病省疾者便服之令
人無所畏若時氣不和舉家服之若病胃脹滿
心悶發熱卽服之并殺三蟲腸痔能進食一周
年服之佳七月七月九九月九可採用

治牛馬六畜水穀疫癘諸病方第七十三
治馬熱艸類黑汗鼻有膿啞啞有膿水草不進方

黃芩萸根貝母桔梗小青梔子仁吳藍欵冬花
大黃白鮮皮黃芩鬱金各二大兩黃蘗馬牙消
各四大兩擣篩患相當及常要啖重者藥三大
兩地黃半斤豉二合蔓菁油四合合齋前啖至
晚飼大效

馬遠行到歇處良久與空草熟刷刷罷飲飲竟當

飼

困時與料必病及水穀

備急方 卷之八
六畜瘡焦痂以麩膠封之卽落

馬急黃黑汗

右割取上斷訖取陳久靴爪頭水漬汁灌口如
不定用大黃當歸各一兩鹽半升以水三升煎
取半升分兩度灌口如不定破尾尖鏡血出卽
止立效

馬起臥胞轉及腸結此方並主之

細辛防風芍藥各一兩以鹽一升水五升煮取

二升半分爲二度灌後灌前用芒硝鬱金寒水
石大青各一兩水五升煮取二升半以酒油各
半升和攪分二度灌口中

馬羯骨脹

取四十九根羊蹄燒之熨骨上冷易之如無羊
蹄楊柳枝指麤者炙熨之不論數

飲馬以寅午二時晚少飲之

啖鹽法

鹽須乾天須晴七日大馬一啗一升小馬半升
用長柄杓子深內咽中令下肥而強水草也
治馬後冷

豉葱薑各一兩水五升煮取半升和酒灌之卽
瘥

蟲類十年者

醬清如膽者半合分兩度灌鼻每灌一兩日將
息不得多多卽損馬也

蝨類重者

葶藶子一合熬令紫色搗如泥桑根白皮一大握大棗二十枚擘水二升煮藥取一升去滓入葶藶搗令調勻適寒溫灌口中隔一日又灌重者不過再瘥

蝨類馬鼻沫出梁腫起者不可治也

驢馬胞轉欲死

搗蒜內小便孔中深五寸立瘥又用小兒屎和

水灌口立瘥

又方騎馬走上坂用木腹下來去擦以手內大孔
探却糞大效探法剪却指甲以油塗手恐損破

馬腸

脊瘡以黃丹傅之避風立瘥

疥以大豆熬焦和生油麻搗傅醋泔淨洗

日暈以霜後楮葉細末一日兩度管吹眼中卽瘥
馬蛆蹄

槽下立處掘一尺埋雞子許大圓石子令常立
上一兩日永差

啖大麻子

淨擇一升飼之治啞及毛焦大效

疥以樗根末和油麻塗先以皂莢或米泔淨洗之
洗了塗令中間空少許放蟲出下得多塗恐瘡
大

秘療疥以巴豆膩粉研油麻塗定洗之塗數日後

看更驗

大

我丁空合中



然好詳也末

相到一長時之錄

大

主一

葛仙翁肘後備急仙方卷之八終